

Савобли ишни бардавом қилиш

Image not found or type unknown



14:14 / 02.01.2024 1930

نَبِيَّ بَأْمِي فُهُ أَرْقَفُهُ نَمَّ عِيَّ شِ
رُهُ ظَلَاةَ لَاصَ وَرَجَفُ لَإِةَ لَاصَ
نَمَّ أَرْقَفُهُ نَمَّ نَأَكُهُ لَ بَتُّكُ
إِةَ سَمَّ خُلَا هَاوَرِي لِي لَلَا

يُراخُ بُلَا

Умар ибн Хаттоб розияллоҳу анҳудан ривоят қилинади:

«**Набий соллаллоҳу алайҳи васаллам:**

«**Ким вазифасидан ёки унинг баъзисидан ухлаб қолса-ю, уни Бомдод билан Пешиннинг орасида ўқиб олса, унга худди кечаси ўқигандек ёзилади», дедилар».**

Бешовларидан фақат Бухорий ривоят қилмаган.

«**Вазифа**» дейилганда киши кўнгилли равишда ўзига ҳар куни ёки кечаси ўқиб туришни вазифа қилиб олган намози, Қуръон қироати, зикр ва шунга ўхшашлар кўзда тутилади. Одатда «вазифа»ни руҳий тарбия устозлари ўргатадилар.

Мусулмон банда ўзига вазифа қилиб олган нарсани ҳар кеча ихлос билан ўқиб юрса-ю, баъзи сабабларга кўра бирор кечада уни ўқий олмай, ухлаб қолса ёки баъзи қисмини ўқимаган бўлса, Бомдод ва Пешин намозлари орасида ўқиб олса, худди вақтида ўқигандек савоб ёзилади.

Демак, шунга биноан, суннат қилинган намозлар – фарз намозлар билан ўқиладиган намозлар, вақтли нафллар, икки ийд, чошгоҳ намозлари қазо қилиб ўқилади. Бунга келгуси ҳадисларда далиллар мавжуд.

هُلَلَا يَضَرُّ دِيْعَسَ يَبْأُ نَع
هُلَلَا يَلْصُقُ يَبْنَلَا نَع ، هُنَع
نَعَمَ أَنْ نَمَ : لَأَقِ مَلْسُ وَ هِيْلَع
أَذِيْلُ صُيْلَفُ هَيْسَنُ وَأَرْتِوْلَا

هُوَ أَوْرَ . ظُقْيَيْتُ سَا إِذِإِو ، رَكَذ
دُوَادُ وَبَأُو وَيْ ذِمَّرْتَلَا

Абу Саъийд розияллоху анҳудан ривоят қилинади:

«Набий соллаллоху алайҳи васаллам:

«Ким витрни ўқимай, ухлаб қолса ёки унутган бўлса, эслаганида ва уйғонганида ўқиб олсин», дедилар».

Термизий ва Абу Довуд ривоят қилганлар.

Витрининг қазоси ҳам ўқилади. Витр намози Ҳанафий мазҳабида вожиб, бошқа мазҳабларда суннат эканлигини эслатиб қўйсақ, яхши бўлади.

أَهْنَعُ هَلَلَا يَضَرَّ شَيْءٌ نَع
يَلْصُقُ بِنَلَا نَاكَ : تَلْأَق
لَمَعَ إِذَا مَلَسَ وَهِيَ لَلَا
مَإِنْ إِذَا نَاكَ وَهُتَبُثَا لَمَعَ
نَمَّ يَلْصُقُ ضَرَمٌ وَأَلِيْلَلَا نَم
، عَكَرَ رَشَعٌ يَتُنْثِرَاهُ نَلَا
هَلَلَا لُؤْسَرُ تُيَّأَرَامُو : تَلْأَق

مَا قَمَلَسُو هِيْلَع هَلَلَا يَلَص أَمْوِح أَبَّصَلَا يُّتَحَّه لِيْل أَلَا أَعْبَاتُ مَ أَرْهَشَ مَ أَص مَلْسُ مْ هَاوْرَ . نَ أَضَمَر يُئِئَسُّ نَلَاو

Оиша розияллоху анҳодан ривоят қилинади:

«Набий соллаллоху алайҳи васаллам бир амални қилсалар, бардавом қилар эдилар. Агар кечаси ухлаб ёки бемор бўлиб қолсалар, кундузи ўн икки рақъат намоз ўқиб олар эдилар. Расулуллох соллаллоху алайҳи васалламнинг бирор кечани то тонг отгунча қоим ўтказганларини ва Рамазондан бошқа ойнинг рўзасини кетма-кет тутганларини кўрмадим», дедилар».

Муслим ва Насайй ривоят қилганлар.

Ушбу ҳадисдан олинадиган фойдалар:

1. Бир савобли ишни, жумладан, таҳажжуд намозини бардавом қилиш.
2. Пайғамбаримиз соллаллоху алайҳи васалламнинг ҳам кечаларда нафл намозларидан ухлаб қолганликлари.
3. Пайғамбаримиз соллаллоху алайҳи васаллам узр ила кечаси ўқий олмаган таҳажжуд намозларининг қазосини кундузи ўқиб олганлари.
4. Пайғамбаримиз соллаллоху алайҳи васалламнинг кечани бутунлай ухламай ўтказмаганлари, яъни вақтида ухлаганлари.
5. Рамазон ойидан бошқа ойнинг рўзасини кетма-кет, тўлиқ тутмаганлари.

«Ҳадис ва ҳаёт» китоби асосида тайёрланди